

2069

P O L E M I C I

2070

tes, adtextus est, quem *Edita* ignorant, et sub illo: *Explicit liber siue tractatus de periculis.*

DXLVI.

- 166 Codex chartaceus lat. Sec. XV. Folior. 365. f. per duas columnas calamo currente scriptus sequentia complectitur. I. *Richardi Fitzralph*, seu *Fitzrauf*, id est *Radulphi filii*, Archiepiscopi *Armachani* et Primatis *Hiberniae Avenione*, quo a FF. Mendicantibus citatus fuerat, a. 1360. demortui *Libros XIX. de Erroribus Armenorum*, seu, ut ipse in *Praef.* appellari voluit, de *Quaestionibus Armenorum*. Praefatio haec nobis sine titulo incipit: *Reuerendis in christo Patribus Nerfy archiepiscopo manasgerdensi, ac fratri iohanni electo Clacensi maioris armenie Richardus radulphi archiepiscopus Ardmachanus primas hybernie per gratiam sitire iustitiam &c.* Narratur porro eos veritatis inquirendae studio *Romam* delatos frequenter cum *Richardo* contulisse, et tandem orasse, ut responsa sua scripto consignaret. Consignavit vero in modum *Dialogi*, Johanne quaestiones proponente, se vero easdem solvente. Praefationem excipit Conspectus operis, tum L. I. C. 1. sic orditur: *Johannes. Quia ex literalis sensu scripture sacre intendis in hoc opere tractare &c.* In fine L. XIX. et ultimi adnexus est *Index Capp. omnium Librorum*, qui non habet

Denis Codd. Theol. V. I. P. II.

betur in editione Operis hujus *Parisiis* per *Joh. Petit* curante *Johanne Sudoris* 1511. f. aequemendosa, ut est *Codex* noster. Ceterum *Quaestionum* harum mentionem nec in *Clem. Galani Conciliatione Eccl. Armenae cum Romana*, *Romae* 1650. f. invenio, nec in *Joh. Sim. Assemani Biblioth. Orient. Clem. Vatic. ibid.* 1719. f. qui tamen loci *Manan-gerd* T. II. p. 299. et 378. meminit.

II. fol. 211. *Johannis Parisiensis* O. P. qui in Mss. modo *Qui dort*, modo *Surdus* vel de *Soardis* cognominatur, a *Quetifo* autem in *Scriptt. Ord. Praed.* T. I. p. 500. ab alio *Johanne Pungente asinum* sive *Poin-l'asne* itidem *Parisiensi* distinguitur, obiitque *Burdigalae* in *Romana Curia*, quo ob absonam suam de modo existentiae Christi in *Eucharistia* sententiam evocatus fuerat, anno 1304. *Determinatio* quaestionis, utrum *Parochiani Mendicantibus* rite de peccatis confessi, eadem *Curatis* suis repetere teneantur. Incipit sine titulo: *Anno domini 1304. questum fuit utrum constitutio domini pape de confessionibus audiendis &c.* Finit: *cum non teneatur confiteri nisi proprio sacerdoti id est habenti potestatem.* Clausula: *Explicit questio disputata parisiis per fratrem Jo. parisiensem doctorem predicatorum.* *Quetifus* l. cit. hanc *Determinationem* commemorans subdit: *Quem Tractatum prelo edi esset in votis.* Notae vero sunt

I i i

sunt

2071

C O D I C E S

2072

funt lites a *Guilelmo de S. Amore* et aliis motae contra Mendicantium Familias.

III. fol. 215. p. 2. Tractatus de *Indulgentiis* sine nomine Auctoris. Incipit: *Quodcunque ligaueritis super terram &c.* M^r. 16. duos fines ultimos futuros esse in fine seculi &c. Finit: *et pluit super iustos et iniustos.* Explicit optimus sermo siue tractatus de indulgentiis. Ejusmodi Tractatum *Francisci de Mayronis* apud se fuisse testatur *Luc. Waddingus* in *Bibl. O. M.*

IV. fol. 221. *Rogerii Conovii* five *Conway* O. M. Cambri, de quo ad *Cod.* seq. sermo, Tractatus de *Confessionibus per Regulares audiendis* contra informationes *Rich. Armachani*. Incipit absque titulo: *Confessio et pulchritudo in conspectu eius &c.* et finit: *precludendo aditum sibi et alijs talia perpetrandi.* Explicit tractatus *Coravij* (i. *Conovii*) ordinis fratrum. De editionibus hujus Tractatus vide *Cod. supracit.*

V. fol. 249. Ejusdem, licet nomen taceatur, *Quaestiones III. de Mendicitate Christi et dominio temporali.* Incipiunt: *Questio est hic de mendicitate. Et primo queritur de paupertate quantum ad renunciacionem &c.* Definunt: *hys cauenda est, qui se perfectioni evangelice astrinxerunt.* Msptae fuerunt apud *Waddingum* et *Whartonum*, nataeque videntur ex *Concionibus* de hac Materia a *Rogero Londini* habitis, de quibus ex aliis *Thomas Tannerus* *Bibl. Brit. Hibern.* p. 197.

VI. fol. 269. p. 2. *Galfridi Herdeby* five *Hardebii* O. Erem. S. Aug. Angli ✠ 1360. *Liber de Vita evangelica.* Prooemium hoc initio: *Uenerabili in christo patri fratri Bartholomeo* (Veneto) priori generali ordinis fratrum Heremitarum Sancti Augustini. dignissimo sacre pagine professori suus inutilis frater et ineptus filius frater galfridus Herdeby eiusdem ordinis sacre Theologie magister indignus &c. Ait contineri in hoc libro ea, que tempore sui regiminis in Oxonia alternatim arguens et respondens contra doctores alios replicavit, nuncupandumque propter materiam in eo principaliter contentam de evangelica Vita. Sequitur Summarium Capitum XIX. prorsus ad mentem praecedentis *Rogerii* contra *Armachanum*. C. ult. inquiritur: *Si beatus augustinus pater eiusdem* (Eremitarum) ordinis fuerit atque frater, 2^{do}. si per eundem augustinum ordo canonicorum regularium fuerit institutus. Quo praelusisse videtur *Galfridus* tricis illis, quae *Mediolani* 1477. inter utrumque ordinem exarsere, de quibus *Saxius* in *Hist. Typ. lit. Mediol.* col. 183. *Tiraboschius* *Stor. lett. d'Italia* T. VI. P. 1. L. 2. p. 221. et *Ossingerus* *Bibl. Aug.* p. 261. meminere. Opus ipsum sic incipit: *Circa materiam primi articuli sic argumentor: Omnes homines huius mundi sunt eiusdem speciei &c.* Sed in medio C. IX. Codex noster obmutescit. De auctore vide *Tanneri* *Bibl. Brit. Hib.*

2073

P O L E M I C I.

2074

Hib. p. 377. et *Offingeri Bibl. August.* p. 426.

VII. fol. 295. *Collationes variae sive Quaestiones Magistrales ex Libris Sententiarum tempore Nicolai de Dünkelspühl et Michaelis Suchenschatz*, quorum nomina interveniunt, id est, sub initium Sec. XV. in Academia nostrate ventilatae, quarum initium est: *Caput tuum ut Carmelus can. 7. reuerendi patres domini et magistri dilectissimi &c.*

VIII. fol. 360. Anonymi *Sermo ad Academicos de S. Johanne Evangelista* in illud *Eccl. 15. In medio ecclesiae aperuit os ejus.* Initium: *Originaliter et transsumptiue in officio hodierno, Reuerendi &c. secundum iohannem crisostomum augustinum et gregorium &c.*

DXLVII.

117 Codex membraneus lat. Sec. XIV. Folior. 118. f. per 2. Columnas calamo currente exaratus continet *Richardi Radulphi fil. (Fitz-Ralph f. Rauf) Hiberni Dundalkensis* ex Academiae Oxon. Commissario, Archidiacono *Cestrensi* et Decano *Litchfeldensis* Ecclesiae Archiepiscopi *Armachani* ac Patriae Primatis *Avenione* ad Curiam Romanam, quo a Fratribus Mendicantibus citatus fuerat, 1360. defuncti *Libros VII. de Paupertate Salvatoris seu de Mendicitate Fratrum*, ut alii Codices in Anglia praeferunt, qui etiam *Librum octavum*, quin et *nonum memo-*

rant, non tamen *Libellos 16.* ut per errorem typi in *Tb. Tanneri Biblioth. Brit. et Hib.* p. 284. irrepsisse videtur. Praeit nuncupatoria Epistola hoc initio: *Sanctissimo in christo patri ac domino, domino nostro Innocentio VI. diuina prouidentia sacrosancte romane ac vniuersalis ecclesie summo pontifici, sue sanctitatis humilis creatura Ricardus archiepiscopus armachanus primas Hybernie, pedum oscula beatorum. Dumdum fel. rec. dominus clemens papa VI. sui regiminis Anno octauo (1349) venerabilibus duobus in Theologia doctis doctoribus ac mihi pusillo negotium quoddam inter duos precipuos mendicantium ordines, cum omni possibili diligentia annis plurimis laceratum &c.* Sequitur *Conspectus Operis διαλογικος* inter Joannem et Ricardum conscripti, quem, cum ineditum sit, hic repraesentamus. *Primus liber habens XXXIIII capitula tractat de diuino atque angelico dominio ac possessione rerum et usu ipsarum ab eis. Secundus liber tractat de humano originali dominio ipsum describens, ac partem descriptionis ipsius declarans. Tercius liber possessionem distinguit multiplicem qualem habuit primus parens noster ostendens descriptionem originalis domini quo ad eius usum et alias circumstantias declarando. Quartus liber de proprietate et iure utendi ac de positioe siue ciuili dominio et eius possessione et usu ac iure utendi pertractat. Quintus liber de principiis ditantibus deum angelos bo-*
nos